

Broj: 07-02/2-787/23 AG
Sarajevo, 22.02.2022. godine

Bosna i hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 23-02-2023			
Org. jed.	Broj	Priloga	Vrijednost
OS11	- 02 -	33	123

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM
n/r gosp. Petar Galić, poslanik

PREDMET: Odgovor na poslaničko pitanje, dostavlja se

Poštovani,

Federalnom ministarstvu rada i socijalne politike je putem kabineta sekretara Predstavničkog doma Parlamenta Federacije Bosne i Hercegovine, odnosno putem Vlade Federacije Bosne i Hercegovine, dostavljeno poslaničko pitanje koje ste, između ostalih, uputili ovom ministarstvu, a koje se odnosi na imenovanja u Upravne odbore Sveučilišne kliničke bolnice Mostar, Zavoda zdravstvenog osiguranja i reosiguranja Federacije Bosne i Hercegovine i Federalnog zavoda za penzijsko i invalidsko osiguranje, ispred Kantona 10.

S tim u vezi, sa aspekta nadležnosti Federalnog ministarstva rada i socijalne politike, dajemo sljedeći:

ODGOVOR

Federalno ministarstvo rada i socijalne politike je još u toku 2022. godine, pokrenulo postupak izbora i imenovanja članova Upravnog odbora Federalnog zavoda za penzijsko i invalidsko osiguranje, na način da je aktom broj: 02-02/5-2055/22 od 18.07.2022. godine, kantonalnim vladama i Savezu Udruženja penzionera /umirovljenika u Federaciji Bosne i Hercegovine uputilo zahtjev za pokretanje postupka nominiranja članova Upravnog odbora Federalnog zavoda za penzijsko i invalidsko osiguranje, a u vezi sa Zaključkom Vlade Federacije Bosne i Hercegovine V. broj: 1062/2022 od 14.07.2022. godine i Odlukom o kriterijima za izbor i imenovanje članova Upravnog odbora Federalnog zavoda za penzijsko i invalidsko osiguranje V. broj: 1063/2022 od 14.07.2022. godine.

S obzirom da ovo ministarstvo nije bilo informisano o traženom postupanju, to su kantonalnim vladama i navedenom Savezu Udruženja upućene su i urgencije ovog ministarstva broj: 07-02/5-2055/22 BG od 14.11.2022. godine i broj: 07-02/5-2055/22 AG od 13.12.2022. godine, kojim je zatraženo da se navedeni postupak okonča u što kraćem roku, imajući u vidu istek mandata imenovanim članovima Upravnog odbora.

S tim u vezi, ističemo da je postupak nominiranja članova novog Upravnog odbora Federalnog zavoda za penzijsko i invalidsko osiguranje još uvijek u toku, imajući u vidu da određene kantonalne vlade nisu uopće dostavile prijedloge nominiranih članova ili su dostavljeni prijedlozi nepotpuni u kontekstu dostavljene dokumentacije.

Kada je u pitanju prijedlog Vlade Kantona 10, ističemo da je Federalnom ministarstvu rada i socijalne politike dana 20.01.2023. godine, dostavljen akt Ministarstva rada, zdravstva, socijalne skrbi i prognanih Kantona 10, broj: 09-01-31-83/22 od 10.01.2023. godine, kojim je u postupku za nominiranje članova Upravnog odbora Federalnog zavoda za penzijsko i invalidsko osiguranje, ispred Kantona 10, predloženo imenovanje Josipa Petrovića za člana navedenog Upravnog odbora. S obzirom da je dokumentacija dostavljena uz pomenuti akt bila nepotpuna, to je na traženje ovog ministarstva, dana 16.02.2023. godine, u prilogu akta Ministarstva rada, zdravstva, socijalne skrbi i prognanih Kantona 10, broj: 09-01-31-83/22 od 09.02.2023. godine, dostavljena tražena dokumentacija, koja će biti razmotrena u kontekstu njene potpunosti i ispunjavanja općih i posebnih uvjeta iz navedene Odluke o kriterijima, od strane predloženog kandidata.

Imajući u vidu navedeno, obavještavamo Vas da je postupak izbora i imenovanja članova novog Upravnog odbora Federalnog zavoda za penzijsko i invalidsko osiguranje još uvijek u toku, te da će ovo ministarstvo nakon dostavljanja, odnosno kompletiranja dostavljenih prijedloga od strane kantonalnih vlada i Udruženja penzionera/umirovljenika u Federaciji Bosne i Hercegovine, iste dostaviti Vladi Federacije Bosne i Hercegovine radi konačnog imenovanja.

S poštovanjem,



CO:

- Kabinet sekretara Predstavničkog doma Parlamenta Federacije Bosne i Hercegovine
n/r gosp. Ivan Miličević, sekretar
(veza: Vaš akt broj: 05/1-02-33/23 od 17.02.2023. godine)
- Vlada Federacije Bosne i Hercegovine
n/r gđa mr. sc. Edita Kalajdžić, sekretar
(veza: Vaš akt broj: 03-04-191/2023 od 20.02.2023. godine)